

Lou Viro-Soulèu

Flourissèn tóuti li mes

Souto l'aflat di felibre de Paris

*Sian tout d'ami, sian tout de fraire, Sian li cantaire dóu païs ! Di farandoulo sian en tèsto ; Per Sant Aloi turtan
lou got ; Quand fau lucha, quitan la vèsto.*

Lo Vira-Solelh

Redaccion : joan FOURIE, 11, place de la Paix 11260 ESPERAZA

Joan-Francés COSTES, 55, bd des Minimes 31200 TOLOSA (jfcostes@orange.fr)

BULLETIN DE LIAISON DE LA SOCIETE DES FELIBRES DE PARIS

LOS AMICS DE LA LENGA D'OC

Cotisation : 20 € - CCP Les Amis de la langue d'Oc 10374 18 J Paris

Siti dels Amics de la lenga d'Oc : [http : //amilengoc.free.fr](http://amilengoc.free.fr)

N° 64– Tardor de 2021

CALENDIER DE LAS ACTIVITATS DEL 4^{enc} TRIMESTRE DE 2021

Dissabte 16 d'octòbre de 2021 : Conferéncia : *les Josius del Papa*, per **Michel Alessio**.

La conferéncia es organizada ambe les « Miegjournals de Cèus » e la « Velhada d'Auvernha ».

Sceaux (92), salle du premier étage du cinéma « Le Trianon », 3bis, rue Marguerite Renaudin, 14 heures 15.

Dissabte 13 de novembre de 2021 : Conferéncia : *presentacion del metòde de Vivarò-Aupenc* de **Gerard Ligozat** : « A nòstre biais, Apprendre l'occitan Vivaro-Alpin », per l'autor.

La conferéncia es organizada ambe les « Miegjournals de Cèus » e la « Velhada d'Auvernha ».

Sceaux (92), salle du premier étage du cinéma « Le Trianon », 3bis, rue Marguerite Renaudin, 14 heures 15.

Farem l'amassada generala aprèp la conferéncia : rapòrt moral e rendut compte financièr ; conselh d'administracion de renovar : tres sètis son de renovar ongan, les de Suzanne Odin, Gérard Ligozat e Daniel Viargues : mandats de renovar e candidaturas son de mandar al president abans le 13 de novembre ; programa, questions diversas.

Les poders pòden èstre mandats al president.

« Ieu, sotasignat balhi tot poder a per que me represente a l'amassada generala del dissabte de 13 novembre de 2021.

A le Bon per poder

Aqueste bulletin val per la convocacion a l'amassada generala

Naùtri, li bon prouvençau

Aparen lou vièi casau,

Ounte fan l'aleto

Nòsti dindouletto.

F. Mistral

Coume au soulèu de mai se flourisson lis ort,
Di rai de toun regard seguissènt l'attiranço,
Ai vist, Mèstre divin, espeli dins moun cor
La flour dóu souveni e la flour d'esperanço.
Jùli Veran

Aparen nosto lengo e que noste vers bounde !...
Quand li pople s'envan ounte degun lou saup,
Emé l'aflat de Diéu, à la fàci dóu mounde,
Canten lou païs prouvençaau.

Li cresien tóuti mort
Li vièi troubaire :
Li fiéu an l'estrabort
Mai que li paire.
Teodor Aubanel

Quand de soun velet brun la niue nous enmantello,
Nega dins un pantai me sèmblo vèire amount,
Soun abradouiro en man e dre subre li mount,
L'aparitou dóu cèu qu'atubo lis estello.
E. Jouveau

A Clamença Isaura

Per la Felibrejada de 2021 al jardin del Lissemborg

Siam pas mòrts, siam pas muts,
siam de marins dins la tempèsta,
siam d'òmes sens aiga dins lo desèrt
mai siam, siam encara !
Siam lo figuier sus lo rocàs,
leis aucèus blus de ma grand la bòrnia,
lei merles blancs que se fan rars,
siam, segur que siam !
Siam de fes gaire mai que d'ombras
que laissan ges de piadas sus l'arena
e escampan de silencis dins lo vent
mai siam, aici siam !
T'oblidam pas !
Fuguessiam longtemps encara dins la nuech
portarem lo flambèu !

Gui Mathieu
